


特別
~ 21
3536
20





第一百回

諸葛亮四出祁山

却說衆將聽知孔明不追，卽時乃入帳告曰：「今魏兵久值大用，不能存住，因此回去。其等好乘勢進之，無有不勝。丞相如何不要追也？」孔明曰：「司馬懿善能用兵，今此退兵，必有埋伏。吾若追之，正中其計也。不如縱他遠去，吾却分兵徑出斜谷，而取祁山，使魏人不隄防也。」衆將曰：「取長安之地，別有路途，丞相只取祁山，何也？」孔明曰：「祁山乃長安之首也。隴西諸郡，倘有兵來，必經由此地。更兼前臨渭濱，後靠斜谷，左山右入，可以伏兵。乃用武之地。吾故先取此地。」



得其利也。衆將皆拜服而退。孔明令魏延、張嶷、杜瓊、陳式出箕谷。馬岱、王平、張翼、馬忠出斜谷。俱會於祁山。諸將各引兵而去。孔明自統大軍隨後進發。令關興、廖化爲先鋒。卽日而行。却說曹真、司馬懿二人。在後監督人馬。令一軍入陳倉古道探視。回報說：蜀兵不來。又行旬日後。面埋伏。衆將皆回說：蜀兵全無音耗。真曰：連綿秋雨。棧道斷絕。蜀人豈知吾等退兵耶？懿曰：蜀兵隨後而出矣。真曰：何以知之？懿曰：連日晴明。蜀兵不趕。料吾有伏兵也。故縱我兵遠去。待過盡。入關時。却奪祁山矣。真不信。懿又曰：子丹如何不信？吾觀孔明必從兩谷而來。吾與子丹各守一谷口。十

日爲期。若無蜀兵來。我面塗紅粉。身穿女衣。來營中伏罪。真曰：若有蜀兵來。我願將天子所賜玉帶一條、御馬一匹。與你。卽分兵兩路。真引兵屯於祁山之西斜谷口。懿引一軍屯於祁山之東箕谷口。各下寨已畢。懿先令一枝兵伏於山谷中。其餘軍馬各於要路下營。懿更換馬雜在數十騎之內。遍觀諸營。忽到一營。有一偏將仰天而怨曰：大雨淋了許多時。不肯回去。又在這裏住。割強要賭賽。却不苦了官軍。懿聽知。歸到本寨。聚諸將。皆到帳下。挨出抱怨。將來懿叱之曰：朝廷養軍千日用。在一時。汝安敢出怨言。以慢軍心耶？其人不招。懿叫出同伴之人對證。果服其罪。

懿曰吾非賂賽欲勝蜀兵耳今汝各人有功回朝汝妄出
怨言自取罪戾言訖令武士推出斬之須臾獻首於帳下
衆將悚然懿曰汝等諸將皆要盡心以防蜀兵聽吾中軍
砲響四面皆進衆將受令而退却說魏延張嶷陳式杜瓊
四將引二萬兵取箕谷而進正行之間忽報叅謀鄧芝到
來四將勒兵不進而問其故芝曰丞相有令如出箕谷隄
防魏兵埋伏不可輕進陳式曰丞相用兵何多疑耶只可
倍道而進曹真司馬懿必然擒矣吾料魏兵連遭大雨衣
甲皆毀只可掩殺不可從容今魏兵久受勞苦皆是思歸
豈肯戀戰丞相先令吾等會於祁山今却教休進乃號令
不明也芝曰丞相計無不中謀無不成汝等安敢如此式
笑曰丞相若多計謀不致街亭之失魏延想起孔明向日
退兵之日教他守武都陰平全無功次亦笑曰丞相若聽
吾言選出子午谷此時休說長安連洛陽皆得矣今執定
要出祁山有何益也既已令進兵今又教休進式曰吾自
有五千人選出箕谷先到祁山下寨看丞相羞也不羞芝
再三阻當不肯教行是夜魏延要與孔明爭氣激着陳式
式自引五千人出箕谷並不見一人式笑曰人說丞相有
通神謀畧吾今見之矣鄧芝聽知陳式去遠只得飛報孔
明却說陳式引兵行不數里忽聽的一聲砲響四面伏兵

皆出。式急退時，魏兵塞滿谷口，圍得鐵桶相似。式左衝右突，不能得脫。又聽的喊聲大震，一彪軍殺入，乃是魏延救了。陳式回到谷中，五千兵只剩得四五百帶傷人馬。背後魏兵趕來，却得杜瓊、張嶷引兵接應。魏兵方退，魏兵拒住險要，下寨已定。方信孔明先見如神。延式二人懊悔不及，却說鄧芝回見孔明，言魏延陳式如此無禮。孔明笑曰：「魏延素有反相，吾知彼常有不平之意。吾憐其勇烈而重之，吾昔與先帝言，久後必生患害。今已顯露，可以除之。」正言間，忽流星馬報到，說陳式折了四千五百軍，止有五百帶傷人馬屯在谷中。孔明令鄧芝再來箕谷，撫慰陳式，隄防

生變。孔明曰：「吾料司馬懿必在箕谷口，曹真必在斜谷。以防蜀兵，吾速取之。今先令兩軍抄在他二寨之後。真懿必走也。」鄧芝拜辭而去。孔明急喚馬岱、王平，分付曰：「斜谷若有魏兵守把，汝二人引本部軍越山嶺夜行，晝伏，速出祁山之左，舉火爲號。又喚馬忠、張翼，分付曰：「汝等亦從山僻小路，晝伏夜行，逕出祁山之右，舉火爲號。與王平共劫曹直營寨。吾自從谷中三面攻之，魏兵可破也。」兵分兩路，各引五千兵去了。孔明又喚關興、廖化，分付曰：「如此如此。二人受了密計，引兵而去。却說此明諸處發兵，倍道而行。正行間，又喚吳班、吳懿受與密計，亦引兵先行。却說曹真心

中不信蜀兵來，以此怠慢。縱令軍士歇息，只等十日無事。要羞司馬懿，不覺守了七日。忽有人報谷中有些小蜀兵出來，真令副將秦良引五千兵哨探，不許縱令蜀兵近界。良偃旗息鼓，引兵而去。真又下令諸將曰：十日之內不見動靜，纔是吾贏。諸將聽令，各守險要。且說秦良引兵剛到谷口，哨見蜀兵退去。良急引兵趕來，行到五六十里，不見蜀兵，心下疑惑。教軍士下馬歇息，忽嘹哨軍報說有蜀兵埋伏。良出帳看時，只見山中塵土大起，急上馬令軍士隄防。不一時，四壁廂喊聲大震，前面吳班、吳懿引兵抄出背。後廖化閃輿引兵殺來，左右是山，皆無走路。山上蜀兵大

叫下馬投降者免死。魏軍大半降之。秦良死戰被廖化一刀斬之，死者無數。盡棄於溝壑。孔明把降軍拘於後軍，却將魏軍衣甲與蜀軍五千人穿了，扮作魏兵，令關興、廖化、吳班、吳懿四將引着，逕奔曹真寨來。先令報馬入寨說：「只有些小蜀兵，盡趕去了。」真大喜，忽有人告曰：「某乃司馬都督心腹人，今蜀兵用埋伏計，殺魏兵四千五百首級，休將賭賽爲念，務要用心隄備。」真曰：「吾這裏並無一箇蜀兵，其人回去，忽又報秦良引兵回來了。」真自迎接，果是秦良之軍。比及到寨，人報前後兩把火起，真急回到寨後看時，關興、廖化、吳班、吳懿四將揮示蜀軍，就營前殺將進來。馬岱

王平從後面殺來，馬忠張翼亦引兵殺到，魏軍措手不及，各自逃生。那有一人敢抵衆將，保曹真望東而走。背後蜀兵趕來，真正奔走，忽然喊聲大震，一彪軍殺到，真膽戰心驚，近前視之，乃司馬懿也。懿大戰一場，蜀兵方退，真纔得脫，羞愧無門。懿曰：諸葛亮奪了祁山地勢，吾等不可久居。此處宜去渭濱安營，再作良圖。真曰：仲達何以知吾遭此敗也？懿曰：見來人報稱子丹說並無一箇蜀兵，吾料孔明暗來劫寨，因此知之，故相接應也。今果中計，切莫言賭賽之事，只同心報國。曹真甚是惶恐，無地可入，氣成疾病，臥床不起。兵屯渭濱，懿恐軍心有亂，不敢教真引兵，却說孔

明大驅士馬復出祁山，勞軍已畢，魏延軍屯箕谷。孔明亦召到寨中，魏延、陳式、杜瓊、張嶷入帳拜伏請罪。孔明曰：是誰失陷了軍來？延曰：陳式不聽號令，潛入谷口，以此大敗。式曰：此事亦魏延教我行來。孔明曰：他倒救你，你反攀他。將令已違，不必巧說。卽叱武士推出斬之，懸首於帳前，以示諸將。此時孔明不殺魏延，恐其反也，故留之以爲後用。孔明勅了陳式，省令諸將，忽有細作報說曹真臥病不起，見在營中治療。孔明大喜曰：吾只用片紙敢教曹真卽死，未知有甚言詞，且聽下回分解。

孔明祁山布八陣

建興八年秋八月孔明屯兵於祁山聽知曹真因與司馬懿賭賽不想兵敗羞慚成病孔明乃與諸將曰若曹真病輕必便回長安今魏兵不退必為病重故留於軍中以安衆人之心也吾寫下一書教秦良的降兵特與曹真真若見之必氣死矣遂喚降兵至帳下而問曰汝等皆是魏軍中原多有父母妻子不宜久居蜀中今放汝等回家若何衆軍泣淚拜謝內有百餘人不願去皆留於軍中願去者千餘人孔明曰曹子丹與吾有約可以達之吾有一書汝交割與子丹他日必有大功也魏軍回到本寨見了司馬懿各言其事懿笑曰此必孔明結我軍心也遂令此輩運

曹真帳下人將孔明書呈上真扶病而起拆封視之其書曰

漢丞相武鄉侯諸葛亮致書於大司馬曹子丹之前
謂夫為將者日就月將能去能就能柔能剛能進能退
能弱能強不動如山岳難知如陰陽無窮如天地充實
如太倉浩渺如四海眩耀如三光預知天文之旱澇先
亦可作祭曹子丹文
識地理之平康察陣勢之期會揣敵人之短長嗟爾無
學後輩上逆穹蒼助篡國之反賊稱帝號於洛陽走殘
兵於斜谷遭霖雨於陳倉水陸困乏人馬倡狂拋盈郊
野之戈甲撤棄滿地之刀鎗都督心崩而膽裂將軍鼠

竄而狼忙無顏見關中之父老何面見相府之廟堂史
官秉筆而記錄百姓衆口而傳揚仲達聞陣而惕惕子
丹望風而遑遑吾軍兵強而馬壯大將虎奮以龍驤掃
秦川爲平壤蕩魏國作坵荒

曹真看畢恨氣填胸至晚死於軍中司馬懿用兵重裝載
差人送赴洛陽遷葬魏主聞知曹真已死卽下詔催司馬
懿出戰懿提大軍來與孔明交戰隔日先下戰書孔明與
諸將曰曹真必死矣遂批回來日交戰使者去了孔明當
夜教姜維受了密計如此行之又喚關興分付如此如此
次日孔明盡起祁山之兵前到渭濱一邊是河一邊是山

中央平川曠野好片戰場兩軍相近以弓箭射住陣角各
排開鼓角響異魏陣中門旗開處司馬懿出馬衆將隨
而出只見孔明端坐於四輪車上手搖羽扇懿責之曰吾
主上法堯禪舜相傳二帝坐鎮中原容汝蜀吳二國者乃
吾主寬慈仁厚恐傷百姓也汝乃南陽一耕夫不識天數
強要相侵理宜殄滅如省心改過悉宜早回各守疆界以
成鼎足之勢免致生靈塗炭汝等皆得全生也孔明笑曰
吾受先帝託孤之重安肯不傾心竭力以討賊乎汝曹氏
不久爲漢所滅汝祖父皆爲漢臣世食漢祿不思報効反
助篡逆何爲不誅懿羞慚而言曰吾與汝決一雌雄汝休

三國志
出奇兵汝若能勝之吾誓不爲大將汝若敗時早歸故里
吾並不加害孔明曰汝欲鬪將鬪兵鬪陣法懿曰先鬪陣
法孔明曰先布陣我看懿入中軍帳下手執黃旗招颺左
右軍動排成一陣復上馬出陣問曰汝識吾陣否孔明笑
曰吾軍中末將亦能布之此乃混元一氣陣也懿曰汝布
一陣我看孔明入陣把羽扇一搖復出陣前問曰汝識吾
陣否懿曰量此八卦陣如何不識也孔明曰是便是了汝
敢打吾陣否懿曰既然識之如何不敢打孔明曰汝只管
打來司馬懿曰到本陣中喚戴陵張虎樂綝三將分付曰
今孔明所之陣有八門按休生傷杜景死驚開此八門

也開休生三門吉傷杜景死驚五門凶正東乃生門可打
西南乃休門可打正北乃開門可打汝三人可從生門打
入往休門殺出復從開門殺入此陣可破蜀兵可退矣汝
等休辱了志氣戴陵在中張虎在前樂綝在後各引三十
騎從生門打入兩軍吶喊相助且說張虎殺入蜀陣只見
陣如連城衝突不出虎慌引三十騎轉過陣腳往西南衝
去戴陵樂綝引着六十騎精兵在蜀陣中衝突不出皆被
蜀兵射住只見重重疊疊都有門戶那裏分東西南北三
將不能相顧只管亂撞但見愁雲漠漠慘霧濛濛喊聲起
處魏兵一箇箇皆被縛了送到中軍孔明坐於帳中只見

張虎戴陵樂綝并九十箇軍皆縛在帳下左右告曰此輩乃打陣之人也孔明曰吾縱然捉得汝等何足爲奇吾放汝等回見司馬懿教他再讀兵書重觀戰策那時來決雌雄未爲遲也汝等性命旣僥當留下軍器戰馬遂將衆人衣服脫了以墨塗面步行出陣司馬懿見之大怒回顧諸將曰如此久戰不勝有何面目回見中原大臣耶卽指揮三軍奮死掠陣懿自拔劍在手引百餘驍將催督衝殺兩軍恰纔相會忽然陣後鼓角齊鳴喊聲大震一彪軍從西南上殺來懿分後軍當之乃是關興也懿復催軍廝殺忽然魏兵大亂只見姜維引一彪軍悄悄地殺來蜀兵三路

夾攻懿大驚急退軍蜀兵週圍殺到懿引三軍望南死力突出魏兵十傷六七司馬懿退在渭濱南岸下寨堅守不出孔明收了得勝之兵回到祁山此時永安城李嚴都尉苟安解送糧米軍中交割苟安好酒於路怠慢到此違限十日安告曰爲丞相與魏兵交戰某恐有失糧餉不敢早行孔明大怒曰吾軍中專以糧爲大事悞了三日該徒罪五日該處斬汝悞了十日有何理說推出斬之長史楊儀諫曰苟安乃李嚴所用之人又兼錢糧多出於西川若殺此人後無人敢送糧也因此孔明叱武士去其縛杖八十赦之苟安被責心中懷恨連夜引親隨五六騎逕奔魏寨

來投降懿喚入苟安拜告前事懿曰雖然如此况孔明多謀以此難信汝若與國家幹一件大功吾那時奏准天子保汝為上將安曰但有甚事即當效力懿曰汝若回成都布散流言說孔明有怨上之意早晚欲稱為帝若後主召回孔明即是汝之功矣苟安允之逕回成都見了宦官布散流言說孔明自倚大功早晚必篡國也宦官聞知大驚失色即入內奏帝細言前事後主驚訝曰似此如之奈何宦官曰可詔還成都削其兵權免生叛逆後主下詔宣孔明班師回朝蔣琬出班奏曰丞相自出師以來累建大功何故宣回後主曰朕有機密事不親面不可言之即遣使

持節詔出內廷此詔出內廷逕到祁山此詔到祁山大寨孔明接入受詔已

畢即天歎曰此天歎曰年羹更有按劍撥刺吾正欲建功何故取回也如不回是欺主矣此欺主矣遂退兵祁山再難得也後人看到此處有詩歎曰

幾致功成勢可此勢可寧妨指此寧妨指以義尊王室

若大軍速退此若大軍速退乘勢掩殺當復如何孔明曰此孔明曰軍可此軍可退今日先退此營假如營內兵一千却掘二千竈此掘二千竈明日掘四千竈此掘四千竈每此每退軍添竈此退軍添竈之法

而取勝也。今丞相退兵，何故添竈也？孔明曰：司馬懿善能用兵，知吾退兵，必然追趕。心中想：吾有伏兵，定於舊營內數竈，見每日增竈，兵又不敢追。遂傳令退軍，却說司馬懿料苟安行計，當只待蜀兵退時，一齊掩殺。正躊躇之間，忽報蜀寨空虛，人馬皆去。懿曰：孔明多謀，吾勝處而去也。懿因此不敢輕追，自引百餘騎，升土前來舊營內踏看。教軍士數竈，已畢，回到本寨，次二日又教軍士趕到那舊營內，查數，哨自回報說：這營內之竈，以三分又增一分。司馬懿與諸將曰：吾料孔明多謀，今日果然。孫臏滅竈之法。

每日添兵增竈，使不疑也。前為吾若盡力追之，必遭龐涓馬陵之患矣。不如且退，再作良圖。眾皆服之。於是司馬懿回軍不追，孔明不折一人，望成都而去。次後川口土人來報，司馬懿說孔明退兵之時，未見添兵，只見增竈，懿仰天長歎曰：昔日西回者無異，今日孔明退兵，反增其竈，效虞詡之法，瞞過吾也。孔明謀畧，吾不如之。遂引大軍而還洛陽。孔明回到成都，未知面君如何。且聽下回分解。

起自蜀後主建興三年乙巳歲至建興八年庚戌止
共六年事實

總評

三國志
早知陳壽後來編史此時不殺陳式倒好余聞一先生之論如此不知何如大家評一評看呵呵
八陣增竈司馬俱為聞見所誤遂遜孔明一籌若令司馬胸中不知休生傷杜景死驚開并麗涓滅竈虞詡增竈許多骨董自不為諸葛所算矣聞見誤人一至于此即今之做秀才者胸中絕無講章時文安有不軼王駕唐之理都是一個道理

李卓吾先生批評三國志

第一百一十一回

諸葛亮五出祁山

却說孔明用滅兵添籠之法退兵到漢中司馬懿恐有埋伏不敢追之亦收兵回大寨去了因此蜀兵不曾折了一人孔明大賞三軍已畢回到成都入見後主奏曰老臣出了祁山欲取長安忽而陛下詔回有何大事也後主曰朕久不見丞相之面心甚思慕故詔回還欲無他事孔明曰非陛下本心必有真意臣有篡逆之意後主無言可對孔明曰若內有奸邪豈能討賊乎後主曰皆宦官所

言取丞相回還聖人今日聖人等才聖人方開聖人之不及矣此子孔明遂喚

衆宦官問之方知是苟安也急人之已投魏國去了

孔明將妄奏的宦官殺之餘皆廢中營外又深責將琬費

禱只奸臣於天子前害吾汝等何不之入告曰此言

實不知之孔明拜辭後主到漢中一面持檄文令李嚴

應付糧草仍運赴軍前孔明又議出師楊儀曰前者興兵

多有怨心不如分兵兩班以三箇月爲期且如二十萬之

兵只領十萬出祁山是任了三箇月却教這十萬替回循環

相轉如日落月升日出月沒之狀若此則蜀兵不之也然

後徐徐而進中原可圖矣此乃重大之事也悲一朝一夕

之故丞相若從可爲長久之計也孔明笑曰汝言正合吾

意卽分兵兩班限一百日爲期循環相轉遠三日者杖五

十遠五日者杖一百十日者處斬時建興九年春二月上

旬日孔明引一半人馬出師魏太和五年魏主曹叡陞殿

近臣奏曰邊廷告急西蜀孔明又寇中原叡急召司馬懿

日邊廷又告孔明入寇卿每回外禦敵未能勦除今日

如之奈何懿奏曰今子丹已亡臣等竭力勦寇以報陛下

若不勦除臣當萬死叡大喜設宴待之次日人報蜀兵寇

急叡卽排鑾駕送司馬懿出城懿辭帝到長安大會諸

路大將人馬計議破蜀兵之策大先鋒張郃曰吾願引一

軍去守雍郡以拒蜀兵如有差失者立斬懿阻之曰吾遍
觀衆將獨公一人可以當先破敵若守雍郡非大將之任
也吾與公立志報國公肯爲大先鋒否郤大喜曰吾素懷
忠義欲盡心報國惜乎未遇其主今都督肯委重任雖萬
死不辭懿曰天子盡情托吾吾欲倚公同立大事故委大
任也郤大喜曰惟命是從於是司馬懿令張郤爲大先鋒
總督六軍又令郭淮守隴西諸郡其餘衆將各分道而進
却說孔明率大軍望祁山進發前部先鋒王平張嶷逕出
陳倉過劔關由散關望斜谷而來司馬懿正提兵出關張
郤回問曰今孔明長驅大進再出祁山當復如何懿曰此
人定來割隴西小麥以資軍糧汝可結營以守祁山吾與
郭淮巡畧天水諸郡以防蜀兵割麥也說畢留四萬兵令
郤守祁山懿引兵望隴西而去此時蜀兵盡出祁山安營
了畢隨後孔明亦到見渭濱有魏兵隄備乃與諸將曰此
必是司馬懿也卽日營中乏糧李嚴處催併去久未見運
到吾料隴上麥熟吾密引兵割之只留王平張嶷吳班吳
懿四將守祁山之營孔明自引姜維魏延等諸將前到齒
城此城太守素知孔明慌忙大開城門而降孔明問曰此
時何處麥熟太守告曰隴上麥熟惟上面最盛孔明留張
翼馬忠守齒城自引諸將并二軍望隴上而來前軍回報

說司馬懿引兵在此孔明驚曰此人等知吾來割麥也即沐浴更衣推過一般三輛四輪車來車上皆要一樣裝束此車乃孔明在蜀中預先造的孔明令姜維引一千軍護車五百軍擂鼓伏在上邦之後馬岱在左魏延在右各引一千軍護車五百軍擂鼓每一輛車用二十四人皂衣跣足披頭仗劍在左右推車執着七星皂旛如此行之三人各受計引兵推車而去孔明又令三萬軍皆執鎌刀馱繩伺候割麥却選二十四箇精壯之士各穿皂衣披髮跣足仗劍簇擁四輪車為推車使者令閑輿結束做天蓬模樣手執七星皂旛步行在車前孔明端坐於上望魏營而來

那哨探軍見之大驚又不知是人是鬼火速報知司馬懿懿自出營視之只見孔明簪冠鶴氅手搖羽扇端坐於四輪車上左右二十四人披髮仗劍前面一人手執皂旛隱隱似天神一般懿大怒曰這箇又是孔明作怪也遂撥二十人馬分付曰汝等疾去連車帶人盡情都捉來魏兵一齊追之孔明見二千魏兵趕來便教回軍遙望蜀營緩緩而行魏兵皆驟馬趕來但見陰風習習冷霧漫漫儘力趕了一程追之不上各人大驚都勒住馬言曰奇怪奇怪我等急急趕了三十里只見在前追之不上如之何也孔明見兵不來又令推車過來朝着魏兵歇下魏兵猶豫良久

久又放馬趕來孔明便回車慢慢而行魏兵趕了二十里
只見在前不曾趕上盡皆癡呆孔明教回過車朝着魏兵
推車倒行司馬懿在後趕來傳令曰孔明善會入門遁甲
能驅六甲六丁之神亦能懷揣日月袖裡乾坤此乃六甲
天書內縮地之法也衆軍不可追之懿急收兵退時左勢
下戰鼓大震一彪軍殺來懿令兵拒之只見蜀兵隊裏二
十四人披髮仗劍阜衣跣足擁出一輛四輪車車上端坐
孔明簪冠鶴氅手搖羽扇懿大驚曰方纔那箇車上坐着
孔明趕了五十里追之不上如何這裏又有孔明怪哉怪
哉言未畢右勢下戰鼓又鳴一彪軍殺來四輪車上亦有

剖好要子

孔明左右亦有二十四人阜衣跣足披髮仗劍擁車而來
懿心中大疑回顧諸將曰此必是神兵也衆軍心下大亂
魏兵因此不敢交戰自行奔走正行之際忽然鼓聲大震
又一彪軍殺來懿舉目視之又見一輛四輪車孔明端坐
於上左右前後推車使者同前一般魏兵無不駭然大半
料做許多妖怪只爲割麥耳可要行逃命司馬懿又不知是人是鬼又不知多少蜀兵十
賊矣一笑矣分驚懼因此引兵奔入上邽閉門不出此時孔明早令三
萬精兵將隴上小麥割盡運赴齒城打曬去了司馬懿在
上邽城中三日不敢出城後見蜀兵退去方敢令數軍出
哨在路捉一人來見懿懿問之其人告曰某乃割麥之人

三國志
也。因走失馬匹被捉前來。懿曰：「前來何等之兵？」也答曰：「三路伏兵，皆不是孔明。乃姜維馬岱、魏延也。每一路只有一千軍護車，五百軍插鼓。只是先來誘陣的車上，乃孔明也。懿仰天長嘆曰：「孔明有神出鬼沒之機也。忽報副都督郭淮入見，懿接入禮畢。淮曰：「吾聞蜀兵不多見在齒城打麥，可以擊之。」懿細言前事。淮笑曰：「只瞞過一時，今已識破。何足道哉！」吾引一軍攻其後，公引一軍攻其前。齒城可破，孔明可擒矣。」懿從之。遂分兵兩路而來。却說孔明引軍在齒城打曬小麥，忽喚諸將聽令曰：「今夜必來攻城。吾料齒城東西麥田之內，足可伏兵。誰敢去也？」姜維、魏延、馬忠、馬岱

四將出曰：「某等願往。」孔明大喜，乃與姜維、魏延曰：「汝二人各引二千兵，伏東南西北兩處。又喚馬岱、馬忠曰：「汝二人各引二千兵，伏在西南東北兩處。只聽砲響，四角一齊殺來。」四將受計，引兵去了。孔明自引百餘人，各帶火箭出城，伏在麥田之內。却說司馬懿引兵，迺到齒城下。日已昏黑，乃與眾將曰：「若白日進兵，城中必有準備。今夜晚攻之，必不知也。」此城低壕淺，可以打之。遂屯兵於城外。一更時分，郭淮亦引兵到。兩下約定齊來圍的，如鐵桶相似。懿、淮二人傳令攻城。城上萬弩皆發，矢石如雨。魏兵不敢前進。忽然魏軍中，信砲連聲。三軍大慌，又不知何處兵來。淮令人

去麥田內搜時四角上火光冲天喊聲大震四路蜀兵三
齊殺來齒城四門大開城內兵殺出裏應外合大殺了一
陣殺的那魏兵屍橫遍野血流成渠司馬懿引敗兵奮死
突出重圍占住了山頭郭淮亦引敗兵奔到山後札住孔
明入城令四將於四角下安營郭淮來告司馬懿曰今與
蜀兵相持許久無策可退目下又被殺了一陣折傷三千
餘人若不早圖日後難退矣懿曰當復如何淮曰可發檄
文調雍涼人馬併力勦殺吾願引一軍襲劔閣截其蜀兵
歸路糧草不通孔明自然慌矣那時大事可成也懿從之
即發檄文調到雍涼諸郡人馬大將孫禮入見司馬懿懿

令孫禮約會郭淮去襲劔閣却說孔明在齒城相距日久
不見魏兵出戰乃令魏延姜維入城聽令曰今魏兵守住
山險不與交戰一者料吾麥盡無糧二者令兵去襲劔閣
斷吾糧道也汝二人各引一萬軍先去守其險要若魏兵
見有準備自然退矣延維二人引兵而去長史楊儀入內
告曰向者丞相令大兵一百日一換今已限足漢中兵已
出川口前路公文已到只待會兵交換見存八萬兵內四
萬限足該換也孔明曰既有令使教速行衆軍聽知欲收
拾起程忽報孫禮引雍涼各處人馬二十萬來助戰去襲
劔閣司馬懿引軍來攻齒城蜀兵思家無不驚駭楊儀入

告孔明曰魏兵來之甚急丞相可將換班軍且留下退敵
待新來兵到換之孔明曰不可吾用兵命將以信爲本吾
縱取勝失信於人矣蜀兵應去皆准備回其父母妻子倚
屏而望吾今便有大難決不留他則全其信耳卽傳令教
應去之兵當日便行衆軍聽知無不嘆服皆大呼曰丞相
如此施恩於衆我等願且不回各捨一命大殺魏兵以報
丞相不獨道學甚有智畧此所云行用道學雖萬死不辭孔明曰爾等該還家豈可在此衆軍皆
要出戰不願回家孔明曰汝等既要與我出戰可出城安
營待魏兵到不待歇定息喘急急攻之此乃以逸待勞之
法也那四萬兵各執兵器權喜出城列陣而待未知勝負

如何且聽下回分解

木門道萬弩射張郃

却說孔明以信義激勵三軍衆皆感德奮死報之蜀兵切
齒而待西涼人馬倍道而來走的人困馬乏方欲下營歇
息被蜀兵一擁而來人強馬壯將勇兵驍以一當十殺的
那雍涼兵屍橫遍野血流成河餘皆逃走孔明出城收聚
了得勝之兵進城賞勞忽報永安李嚴有書告急孔明大
驚拆封視之書云近聞東吳令人入洛陽與魏連和令吳
取蜀幸吳未曾起兵今嚴哨知消息伏望丞相深謀遠慮
早施良圖切勿怠忽孔明甚是驚疑乃聚諸將曰若東吳

又安知非司馬流言

陸遜與兵寇蜀誰敢敵之吾須索速回也卽傳令教祁山大寨人馬且退回西川司馬懿知吾軍在此必不追也那王平張嶷吳班吳懿分兵兩路徐徐退入西川去了却說張郃見蜀兵退去恐有計策不敢追之乃引兵來見司馬懿曰今蜀兵退去不知何意也懿曰孔明詭計多豈可相拒不如堅守待他糧盡自然退矣郃曰都督何故懼蜀兵如猛虎惹天下人之嘲笑也懿曰兵法云善戰不如善守今孔明糧少利在速戰吾堅守不出彼若糧盡自然變矣大將魏平出口曰蜀兵拔祁山之營必歸去也可以攻之懿堅執不從却說孔明知祁山兵回遂喚楊儀馬忠入帳受

以密計先引一萬弓弩手去劔閣木門道

木門道地名

兩下埋

伏若魏兵追到聽吾砲響急滾下木石先截其去路兩頭一齊射之二人引兵去了又喚魏延關興引兵斷後城上四面遍插旌旗城內亂堆柴草虛放烟火於是蜀兵盡望木門道而去魏營巡哨軍來報司馬懿曰蜀兵已退去了不知城中有多少兵懿自往視之見城上插旗城中烟起懿笑曰此乃空城也令人探之果是空城懿大喜曰孔明此去必有東吳消息也誰敢追之大先鋒張郃曰吾願往之懿阻曰公性急躁不可去耳郃曰都督出關之時命吾爲大先鋒之職今日正是立大功之際却不用吾何也懿

曰兵洪云歸師勿掩窮寇莫追蜀兵退去險阻處必有埋伏須十分仔細方可追之。郃曰吾已知之不必掛慮。懿曰公只要去休追悔也。郃曰大丈夫捨身報國雖萬死無恨。懿曰公不必去另委別將追之。郃曰何謂也。懿曰公性烈如火不能忍耐恐中孔明之計也。公今若去悔之不及矣。○張○郃○是○漢○子郃大聲曰孝當竭力忠則盡命有何悔乎。懿曰公既堅執要去可引五千兵先行却教賈翔魏平同引二萬馬步兵後行以防埋伏。吾却引三千兵續來策應。却說張郃引兵火速趕來行到三十餘里忽然背後一聲喊處樹林內閃出一彪軍爲首大將挺鎗勒馬大叫曰賊將引兵那裏去。

郃回頭視之乃魏延也。郃大怒拍馬交鋒不十合延詐敗而走。郃追趕三十餘里勒住馬四下視之全無伏兵。又乘馬追之方轉過山坡忽喊聲大起。一彪軍擁出爲首大將乃關興也。興橫刀勒馬大叫曰張郃休趕有吾在此。郃就拍馬交鋒不十合興撥馬便走。郃隨後追之。趕到一密林。郃心中疑有伏兵令人四下哨探並無伏兵。放心又趕不想魏延抄在前面與郃又戰十餘合。延又敗走。郃奮怒追來又被關興抄在前面截住去路。郃大怒拍馬交鋒戰有十合。蜀兵盡棄什物段疋等件塞滿道路。魏兵皆下馬爭取。延與二將輪流交戰。張郃捨死追趕看看天晚趕到木

門道口。魏兵各得財物，皆無戰心。魏延撥回馬，高聲大罵曰：汝乃逆賊，吾乃漢之名將，吾不與汝相拒。汝顧趕來，吾與汝決一死戰。卻十分大怒，挺鎗驟馬，直取魏延。延揮刀而迎戰，不十合，延盡棄衣甲頭盔兵器等件，匹馬引敗兵望木門道中而走。張郃殺的性起，又見魏延不顧頭甲兵器大敗而逃，郃奮怒趕來。正趕之間，忽然一聲砲響，背後魏軍叫曰：張將軍休要追趕他已去的遠了。郃生性急暴，只管追之。此時天色昏黑，又一聲砲響，山上火光冲天，大石亂柴滾將下來，阻其去路。郃大驚曰：誤中計矣。急回馬時，背後早被木石塞滿了歸路。中間只有一段空地，兩邊

皆是峭壁，郃進退無路。忽一聲梆子響，兩下萬弩齊發，將張郃并百餘箇部將皆射死於木門道之中。後史官詩曰：諸葛施謀暗學孫山，藏萬弩似雲屯。馬陵當日龐涓死，張郃今朝喪木門。

伏弩齊飛萬點星，木門道上射雄兵。至今魏卒殘魂魄，猶怯軍師舊姓名。

却說張郃已死，隨後魏兵追到，見塞其道路，已知張郃中計。衆軍勒回馬，急退。忽聽的山頭上大叫曰：諸葛丞相在此。衆軍仰視，只見孔明立於火光之中，指衆軍而言曰：吾今日圍獵，欲中其馬，誤中一獐。汝各人安心而去。上覆仲

達早晚必受吾所擒矣。魏兵回見司馬懿，細告前事。懿悲傷不已，仰天嘆曰：張雋義身死吾之過也。乃收兵回洛陽。魏主聞知，大哭不已。衆官再三勸解，方纔休息。獻曰：西蜀未平，良將先亡，如之奈何？羣臣奏曰：張郃乃棟梁之才，今日已亡，國家棟梁折矣。諫議大夫辛毗叱之曰：是何言也？昔建安年間，皆言天下不可無武祖也。及升遐，傳文皇帝時，又曰：不可一日無文皇帝也。及至文皇帝晏駕，今日陛下龍興國中文武如雨，豈少一張郃乎？多官默然無語。獻權笑曰：辛諫議之言是也。因此令人去木門道取回張郃屍，厚葬。却說孔明入漢中，欲歸成都，見後主。早有李嚴安

奏後主曰：軍士糧草已辦不之。丞相回師，必順魏也。後主即命尚書費禕入漢中，見孔明，細言軍旅之事。孔明大驚曰：李嚴發書告急，說東吳陸遜寇川，因此回師。費禕曰：李嚴奏稱軍糧已辦，丞相無故回師，必有順曹之意。天子因此命某來問耳。孔明大怒，令人訪察，乃是李嚴因軍糧不起，怕丞相見罪，故發書取回。却又奏天子以糧草豐足，遮飾孔明。大怒曰：匹夫爲己之過，廢國家大事也。令人召至，欲斬之。費禕勸曰：丞相念昔日托孤之恩，且恕之。若殺之，天下人言丞相不容也。今留之亦難，只可貶爲庶人。孔明從之。費禕即寫表章赴成都，入朝來奏。後主近臣接表展

於龍案上視之其表曰

吏部尚書臣費禕等誠惶誠恐頓首謹表李平卽爲大臣受恩過量不思忠報橫造無端危恥不辨迷罔上下論獄棄科導人爲姪狹情志狂若無天地自度嫌心遂生聞軍臨至西響託疾還沮漳軍臨至沮復還江陽平叅軍孤忠勸諫乃止今篡逆未滅社稷多難國事惟和可以克捷不可包含以危大業可將本人削去官職徙爲庶人以杜內外奸黨之路宜急施行謹表以聞

後主覽畢勃然大怒叱武士推出市曹斬首號令叅軍蔣琬出班奏曰李嚴乃先帝託孤之臣未可斬之當依表施

行可也後主從之卽譴爲庶人徙於梓潼郡閑任

梓潼四川將名

後來史官習鑿齒有讚曰

昔日管仲奪伯氏駢邑三百沒齒無怨言聖人以爲難諸葛之使廖立垂淚李平致死豈徒無怨而已哉自秦漢以來蓋未之有也

孔明回到成都用李嚴子李豐并劉琰等爲長史積草屯糧講陣論武整治軍器存恤將士三年然後出征兩川人民軍士皆仰恩德事之如天地父母不覺三年並無侵犯是年乃建興十二年春二月孔明入朝奏曰臣今存恤軍士已經三年糧草豐足軍器完備人馬雄壯可以伐魏以

報先帝知遇之恩今番若不掃清奸黨恢復中原誓不見
陛下也後王曰方今已成鼎足之勢吳魏不曾入寇樹父
何不安享太平孔明曰臣今恤兵三載夢寐之間未嘗不
設伐魏之策實欲竭力盡忠與陛下克復中原重興漢室
統之基也一人出曰不可伐魏也衆視之乃巴西充國
人也西充國郡名姓譙名周字允南未知有何高見且聽下回
分解

總評

孔明是時實欲留應換之兵但弄如此則留不如此則亂耳故以遣之之道留之也只是先人一着不露

一毫破綻不可及也耳不知者真以爲孔明全信而然却不是箇大呆子如何與他議天下玄妙事也
後王曰方今已成鼎足之勢吳魏不曾入寇相父何不安享太平此言最公何丞相太多事乎不可解也

第一百二回

諸葛亮六出祁山

却說譙周官居太史深明天文地理之事見孔明又欲出師乃奏後主曰臣今職掌司天臺但有禍福不可不奏近有羣鳥數萬自南飛來投於漢水而死此大不利也今夜臣仰觀天象見奎星纏於太白之分乃盛氣在北不利伐魏成都人人皆聞栢樹夜哭有此數事不祥之兆丞相只宜謹守決不可妄動也孔明叱之曰吾受先帝託孤之重當竭力討賊豈可以風雲虛謬之兆而廢國家之大事耶孔明即設太牢祭先帝之廟涕泣拜告曰臣亮五出祁山

未得寸土負罪非輕今臣復統全師再出祁山誓竭力盡心勦滅漢賊恢復中原惟死而已當日祭畢拜辭後主後主與百官送孔明於城外孔明到漢中聚集人馬喚諸將於階下商議出師之策忽報關興病亡孔明放聲大哭昏倒在地眾將救起半晌甦醒再三勸解孔明長嘆曰可憐忠義之人天不肯與壽也靜軒先生有詩嘆曰

生死人常理蜉蝣一樣空可憐忠義子不得壽喬松

乃令魏延姜維作先鋒李恢先運糧草於斜谷道口伺候孔明引蜀兵三十四萬分五路而進皆出祁山取齊却說魏主設朝因舊歲有青龍自摩坡井內而起故改爲青龍

元年此時乃青龍二年春二月也近臣奏曰邊官飛報說蜀兵三十四萬分五路復出祁山魏主曹叡大驚失色急召司馬懿至曰蜀兵二年不曾入寇今諸葛亮又出祁山如之奈何懿奏曰臣夜觀天象見中原旺氣正盛彗星犯於太白不利於西川今孔明負才智逆天道又來入寇乃自覓死也臣願陛下洪福願保四人同去必破蜀兵也叡曰卿舉來朕察之懿曰夏侯淵有四子長曰夏侯霸字仲權次曰夏侯威字季權三曰夏侯惠字雅權四曰夏侯和字義權霸威二人弓馬熟閑武藝精通惠和二人諳知韜畧善曉兵法此四人常欲與父報讐未遂其志臣保夏侯

霸夏侯威作左右先鋒夏侯惠夏侯和作行軍司馬共贊軍機以退蜀兵戲曰向者夏侯楸駟馬共議軍機陷了許多人馬見今羞慚不還此四人乃與楸同否懿回奏曰此四人大不同也戲從之命司馬懿爲大都督凡用將士量才委之發勅調兩京及山東山西河南河北隴西各處兵馬皆聽懿提調委用懿受命辭朝出城戲囑曰卿到渭濱下寨但堅守爲上專挫其鋒若蜀兵不得志必詐退誘敵卿勿追之待彼糧盡擄掠不獲必自走矣乘虛攻之則取勝不難亦免軍馬疲勞此長久良計卿勿怠慢也懿頓首拜辭而去魏主同多官回朝却說司馬懿到長安聚集各

處軍馬四十萬皆來渭濱下寨已畢又撥五萬軍伐木於渭水上搭起九座浮橋先鋒夏侯威過了渭水翔頭營又於大營之後東原築起一城以防不虞懿正與諸官商議忽報郭淮孫禮入見懿迎入禮畢淮曰今蜀兵見在祁山又來水口倘蜀兵跨渭登原接連北山阻絕隴道搖動民夷非國家之利益也懿曰公言是也可就總督隴西軍馬據北原下寨深溝高壘按兵休動只待彼兵糧盡方可攻之郭淮孫禮引兵而去下寨了畢却說孔明復出祁山下五箇大寨按左右中前後自斜谷直至劔閣一連下十四箇大寨分屯軍馬以爲久計每日令人巡哨勿人

報曰郭淮孫禮領隴西之兵於北原下寨孔明喚諸將曰
魏兵於北原安營者懼吾取此路阻其隴西之兵也吾今
虛攻北原却暗取渭濱遂令人札木筏百餘隻上載草把
選慣熟水手五千人駕之寅夜只攻北原司馬懿必起兵
來救彼若少敗把後軍先渡過岸去然後把前軍却下筏
休要上岸順水取浮橋放火燒斷以攻其後吾自引一軍
去取前營之門若得渭水之南勢如泰山矣多將遵令一
一行之早有巡哨軍報知司馬懿懿喚諸將曰孔明如此
設施其中有計也以取北原爲名順水來燒浮橋亂其吾
後却攻吾前也即傳令與夏侯霸夏侯威曰若听的北原

發喊便提兵於渭水南山之中待蜀兵至可擊之又令張
虎樂綝引二千弓弩手伏於渭水浮橋北岸若蜀兵乘木
筏順水而來休令近橋可一齊射之又傳令郭淮孫禮曰
孔明來北原暗渡渭水汝新立之營人馬不多可盡伏於
半路若蜀兵於午後渡水黃昏時分必來攻汝汝詐敗而
走蜀兵必追汝等皆以弓弩射之吾水陸並進若蜀兵大
至只看吾指揮而擊之各處下令已畢又令二子司馬師
司馬昭引兵救應前營去了懿自引一軍來救北原却說
孔明令魏延馬岱引兵渡渭水攻北原令吳班吳懿引木
筏兵去燒浮橋令王平張嶷爲前隊姜維馬忠作中隊廖

化張翼作後隊兵分三路去攻渭水旱營是日午時人馬離大寨盡渡渭水緩緩列成陣勢而行魏延在前馬岱在後往北原進發吳班吳懿把住渭水口准備去燒浮橋却說魏延將近北原天色已昏孫禮哨見便棄營而走魏延知有准備急退軍時四下喊聲大震左有司馬懿右有郭淮兩路兵殺來蜀兵大敗魏延馬代奮力殺出蜀兵大半死於水中餘者奔逃無路幸得吳懿兵到殺來救了敗兵過岸拒住吳班分一半兵撐筏順水來燒浮橋却被張虎樂綝在岸上亂箭射住吳班中箭死於水中餘軍跳水逃生木筏盡被魏兵所奪此時王平張嶷不知北原兵敗只奔到魏營天有二更只聽得喊聲大震王平與張嶷曰馬軍攻打北原未知勝負渭南之寨見在面前如何不見一箇伏兵莫非司馬懿知道了先作准備也我等且看浮橋火起方可進兵二人勒住軍馬忽背後一騎馬來報言說丞相教軍馬急回北原兵浮橋俱失了王平張嶷大驚急退軍時原來魏兵抄在背後一聲砲響火光冲天魏兵一齊殺來王平張嶷引兵相迎兩軍大戰一場平嶷二人奮力殺出蜀兵折傷大半孔明回到祁山大寨收聚敗兵約折萬餘孔明遣散自亦竟無矣心中憂悶長史楊儀告曰魏延口出怨言說丞相看他如糞土時常欺慢故令渭水斷殺因此心怨方有

此失孔明叱之曰吾自有主意汝休出讒言也儀惶恐而退忽報費禕自成都來見丞相孔明喚入費禕禮畢孔明曰吾有一書正欲煩你去東吳一會你肯去否禕曰丞相之命豈敢辭也孔明將書付費禕去了禕持書逕到建業入見吳主孫權呈上孔明之書權拆封視之書曰

漢丞相武鄉侯臣諸葛亮頓首再拜致書東吳皇帝陛下漢室不幸王綱失紀曹賊篡逆蔓延及今皆思勦滅未遂同盟亮受昭烈皇帝寄託之重敢不竭力盡忠今大兵已會於祁山征寇將亡於渭水伏望陛下以同盟之義今將北征共取中原同分天下書不盡言萬希聖

聽可察

吳主覽畢大喜乃召費禕曰朕久欲興兵未得會合丞相

即日朕自親征入居巢門居巢今廬州府巢縣是也取魏合肥新城再

令陸遜諸葛瑾等屯兵於江夏沔口取襄陽孫昭張承等

兵出廣陵取淮陽等處三處一齊進兵共三十萬大軍克

日興師費禕拜謝曰誠如此言則中原百日可破矣吳主

設宴待之吳主問曰丞相軍前用誰當先破敵禕答曰獨

魏延爲首也吳主又問曰紀建功勞兼管糧草用誰禕答

曰楊儀也吳主笑曰朕雖未見此二人久知其行也真乃

小輩耳於國何益若一朝無孔明必爲兩人取敗矣卿等

於君前何不深議耶。禰曰：陛下之言當也。臣今歸去，嚴加記之。遂拜辭。吳王回到祁山，見了孔明，孔明問曰：吳王其意允否？禰曰：吳王起三十萬兵，三路御駕親征。又問曰：別有言否？費禰將論楊儀、魏延之事告之。孔明嘆曰：真聰明之主也。此二人吾非不知，爲惜其智勇，不忍殺之。禰曰：丞相早宜區處。孔明曰：吾已定奪下了。禰拜辭回成都去。詔忽報魏將鄭文反來降矣。孔明喚入問之。鄭文曰：某乃魏國偏將軍之職也，近與秦朗同領人馬聽司馬懿調用，不料懿狗私偏向，加秦朗爲前將軍，視文如草芥待之。如冀七人行陷害，因此十分虧負，來投丞相，願執鞭補報。言未盡，人報秦朗單搦鄭文交戰。孔明曰：此人武藝比汝若何？文曰：某當立斬之。孔明曰：汝若先殺秦朗，吾不疑之。必重用也。鄭文忻然上馬，直與秦朗交馬。孔明出營視之，只見秦朗挺鎗大罵曰：反賊盜吾戰馬來，此早早還吾。言訖，驟馬取鄭文，文拍馬舞刀相迎，只一合，斬秦朗於馬下。魏軍各自逃走。鄭文提首級入營，孔明曰：汝再去剝將死屍衣服來。文納下秦朗首級，復出營來剝衣服。孔明又來看畢，回到帳中坐定，喚鄭文至，勃然大怒，叱左右推出斬之。鄭文曰：小將無罪，何故如此？孔明曰：吾自幼識秦朗，汝安敢瞞吾。文拜告曰：此乃秦朗之弟秦明也。孔明笑曰：司馬懿

令汝詐降于中取事以圖功勞是否汝若不實告吾必斬
司馬怡如此設計亦不成司馬怡矣
之鄭文只得招成泣告免死孔明畧施小計就此事而行
要捉司馬懿未知如何且聽下回分解

孔明造木牛流馬

孔明曰汝既求生可修書一封教司馬懿自來劫營吾便
饒汝性命若捉住司馬懿便是汝之功也吾當重用鄭文
只得寫了一書呈與孔明孔明令監下鄭文樊建問曰丞
相怎知此人詐降也孔明曰觀其動靜可知也司馬懿不
輕用人若加秦朗為前將軍必武藝高強與鄭交馬只一
合被文斬之必不是秦朗也故以詐言探之果然如此衆

皆拜服曰丞相真神人也孔明選一舌辨軍士附耳分付
如此如此其人持書逕來魏寨人報司馬懿懿喚入接書
折封看畢懿問曰汝何人也答曰某乃中原之人流落蜀
中鄭文與其同鄉孔明因鄭文有功用為先鋒今鄭文念
在鄉情特來下書明日晚間舉火為號望乞都督盡提大
兵前來劫寨文在內應之司馬懿反覆詰審果然是實即
賜酒食忻然分付曰本日二更為期大事成了必重用汝
其人拜別回到本寨告知孔明孔明仗劍步罡禱祝已畢
喚王平張嶷分付如此如此喚馬忠馬岱分付如此如此
又喚魏延分付如此如此各人引兵而去孔明坐於高山

三國志 卷之六
之處却說司馬懿欲引二子提大兵來劫蜀寨長子司馬此○子○大○通○師止之曰父親何故據片紙而入重地也倘有疎虞如之奈何不如令別將先去父親接應可矣懿從之遂令秦朗引一萬兵去劫蜀寨懿自引兵接應是日天已初更風清月朗忽然陰雲四合黑氣漫空對面不見懿大喜曰天使吾成功也人盡擲枚馬皆勒口大驅士馬進發於是秦朗引一萬兵直殺入寨中並不見一人朗知是中計急退兵時四下火把齊明喊聲大震鼓角喧天火砲震地左有王平張嶷右有馬忠馬岱兩路兵殺來秦朗死戰不能得出背後司馬懿只見蜀寨火光冲天喊聲不絕又不知魏兵

勝負只須催兵接應懿引兵正望火光中殺來忽然喊聲大震左有魏延右有姜維兩路殺出魏兵大敗十傷八九相持不住盡皆奔走此時秦朗所引一萬之兵皆死于鋒刃之下蜀兵圍的鐵桶一般嚴密其箭如驟雨因此秦朗死于亂軍之中山頭上忽鳴金蜀兵皆歸大寨天復晴朗孔明坐于帳上斬了鄭文再議取渭南之計此時司馬懿奔入本寨人報初更時陰雲暗黑乃孔明用遁甲之法後來收兵已了天復晴朗乃孔明驅六丁六甲掃蕩浮雲也懿歎曰真神人也即令諸將加謹防備却說孔明每日令兵搦戰魏軍只不出迎孔明自上小車來祁山前渭水東

西踏看地理忽到一處形如葫蘆之狀入谷口視之可容千餘人兩山又合一谷可容四五百人背後兩山環抱只可通一人一騎而行孔明看了一遍心中大喜乃問鄉導官曰此乃何名也答曰地名上方谷又號葫蘆谷孔明回到帳中喚馬岱附耳授以密計如此行之卽令一千五百人五百人守谷口一千人在內做工孔明又囑馬岱曰此等人不許放出其餘人不許放入吾還不時點視提司馬懿只在此計之中如有漏了消息決斬汝首馬岱受計而去依法置造孔明每日往來指示不覺十餘日孔明看了回到營內長史楊儀告曰卽今糧米皆在劔閣人夫牛馬搬運不便雖日行夜住費力甚難總然易到不敷支用如之奈何孔明笑曰吾已運謀多時也前者所積木植并西川收買下的木植教人置造木牛流馬搬運糧草甚是便益牛馬皆不水食可以轉運晝夜不絕也衆皆拜曰自伏羲治世相傳至今未聞有木牛流馬之事請丞相教之孔明曰吾已令人依法置造未曾完足吾暫將木牛流馬之法尺寸方圓長短濶狹開寫明日汝等視之衆將環遶視之其造木牛之法云

方腹曲脰一股四足頭入領中舌着于腹載多而行少獨行者數十里羣行者二十里曲者爲牛頭雙者爲牛

脚橫者爲牛領轉者爲牛足覆者爲牛背方者爲牛腹
垂者爲牛舌曲者爲牛觶刻者爲牛齒立者爲牛角細
者爲牛鞅攝者爲牛鞅軸牛仰雙轅人行六尺牛行四
步每牛載十人所食一月之糧人不太勞牛不飲食也

造流馬法云

肋長三尺五寸廣三寸厚二寸二分左右同前軸孔分
墨去頭四寸徑中二寸前脚孔分墨二寸去前軸孔四
寸五分廣一寸前杠孔去前脚孔分墨二寸七分孔長
二寸廣一寸後軸孔去前杠分墨一尺五分大小與前
同後脚孔分墨去後軸孔三寸五分大小與前同後杠

去後脚孔分墨四寸七分後載尅去後杠孔分墨四寸
五分前杠長一尺八寸廣二寸厚一寸五分後杠與等
板方囊二枚厚八分長二尺七寸高一尺六寸五分廣
一尺六寸每枚受米二斛三斗從上杠孔去觶下七寸
前後同上杠孔去下杠孔分墨一尺三寸孔長一寸五
分廣七分八孔同前後四脚廣二寸厚一寸五分形制
如象鞮長四寸徑面四寸二分孔徑中三脚杠長二尺
一寸廣一寸五分厚一寸四分同杠耳

衆將看了一遍皆拜伏曰丞相真神人也漢室將復矣不
過半月之間木牛流馬皆造完備宛然如活者一般上山

下嶺各盡其便大軍見之無不忻喜孔明令右將軍玄都侯高翔引一千兵駕木牛流馬自劔閣直抵祁山大寨往來搬運糧草供給蜀兵用度因此大兵皆要出戰以報孔明之德後人有詩讚曰

六出祁山用計謀軍糧通運到西州劔閣險峻驅流馬斜谷崎嶇駕木牛心地玲瓏人莫測性天廣大鬼難籌誰能繼此神仙術古往今來贊武侯

却說司馬懿正憂悶至急之間忽報哨軍報說蜀兵用木牛流馬轉運糧草人不太勞牛馬不食懿大驚曰吾堅守者只爲敵人糧草不能接應之故今用此法必用久遠之

法不思退矣急喚張虎樂綝分付曰汝二人各引五百軍從斜谷小路抄出待蜀兵驅過木牛流馬任他過盡一齊喊叫搗鼓殺將出來不可多搶只搶三五匹便回二人各引五百兵扮作蜀兵夜間偷過小路伏在谷中果見高翔引兵驅木牛流馬而來將次過盡兩邊一齊鼓譟殺出蜀兵措手不及棄了六七匹盡往祁山大寨而去張虎樂綝不敢多帶每人止驅二匹棄了糧草星夜而回與司馬懿司馬懿別無計謀而依孔明作怪使不成司馬懿矣看了果然進退如活的一般懿大喜曰汝既會用此法吾何不別之便令巧匠百餘人當面折開鑿分付曰吾儆孔明造此木牛流馬也汝等並依尺寸長短厚薄之法置造

敢有違式者決斬不及半月造成二千木牛流馬與孔明
一般法則亦能進退就令鎮遠將軍岑威引一千軍驅駕
木牛流馬去隴西搬運糧草往來不絕却說高翔回見孔
明說魏兵搶木牛流馬各二匹去了孔明笑曰吾正要他
搶去幾箇木牛流馬不爲失事吾不久便得軍中許多資
助也諸將問曰丞相何以知之孔明曰司馬懿見了必然
傲吾造之那時又有計策不數日又報說魏人也會造木
牛流馬往隴西搬運糧草孔明大喜曰不出吾之計也使
教王平分付曰汝引一千兵扮作魏人星夜偷過北原只
推巡糧軍運到運糧之所將護糧之人盡皆殺散却驅木
牛流馬而回逕奔過北原來此處必有魏兵追之汝便將
木牛流馬口內舌頭扭轉過來就不能動所運軍糧盡皆
棄走背後魏兵趕到牽拽不動扛擡不去吾再有兵到汝
却扭回舌頭長驅大行魏兵必疑爲怪也平受計引兵而
去又喚張嶷分付曰汝引五百軍扮作六丁六甲神兵鬼
頭獸身用五彩塗其面甲子甲寅模樣種種異怪之相一
手遮錦繡旗旛一手仗巨闕寶劍身掛葫蘆內藏烟火之
物伏于山傍待木牛流馬到時放起烟火一齊擁出護送
而來魏人若見必疑是神鬼不敢追之此乃神師之計也
張嶷受計引兵而去又喚魏延姜維分付曰汝二人同引

三國志 卷之二十一
一萬兵去北原寨口接木牛流馬以防交戰又喚廖化張翼分付曰汝二人引五千兵去斷司馬懿來路又喚馬忠馬岱分付曰汝二人引二千兵去渭南搦戰各人遵令而去却說魏將岑威引軍驅木牛流馬裝載糧米正行之間忽報前面有兵巡糧岑威令人哨探果是魏兵遂放心進發兩軍合在一處忽然喊聲大震蜀兵就本隊裡殺起乃蜀將牙門將裨將軍王平也魏軍措手不及被王平殺死大半岑威引敗兵抵敵被王平一刀斬之餘皆潰散王平引兵盡驅木牛流馬而回敗兵飛奔報入北原寨內郭淮听知軍糧被劫火速引兵來救王平令兵扭轉木牛流馬舌頭皆棄于道中且戰且走郭淮令驅趕木牛流馬之時皆不能動淮心中疑惑正無奈何忽鼓角喧天喊聲震地兩路兵殺來乃是魏延姜維也平復引兵殺回三路夾攻郭淮大敗而退蜀兵方回淮扎住敗軍又只見山後烟雲突起一隊神兵擁出箇箇執旛伏劍怪異之象驅駕木牛流馬如風擁而去郭淮大驚曰此必神助也因此心疑不敢追之却說司馬懿聞知北原兵敗自引兵來救方到半路忽然一聲砲響兩路兵自險峻處殺出喊聲震地鼓角喧天乃是前軍都督領扶風太守張翼副將飛衛將軍廖化也司馬懿大驚失色魏兵殺死大半餘皆各自逃竄未

三國志
知司馬懿性命如何且聽下回分解

總評

三國志通俗演義夾是不識字市井小人編纂毋論其他卽鄭玄投降一事三歲小兒亦不爲此而司馬仲達爲之乎三歲小兒亦自曉得而諸葛孔明識此又何足爲奇乎讀至此深爲羅貫中不平也無知小人托名誤事每每如此可恨可恨
作三國志演義者真胡說也若是司馬仲達亦做諸葛孔明造作木牛流馬便是依樣畫葫蘆矣依樣畫葫蘆又何足以爲司馬仲達也哉

第一百三回

孔明火燒木柵寨

却說司馬懿被張翼廖化一陣殺敗匹馬單鎗望密林間而走張翼收後廖化趕來看看趕上懿透樹而轉化一刀砍去正砍在樹上及拔出刀時司馬懿早走出林外廖化隨後趕出不知去向但見金盔落在林邊化取盔稍在馬上望東趕來全無踪跡原來司馬懿見金盔落于林東却往西走化出了谷口遇見姜維回寨來見孔明張嶷早驅木牛流馬到寨交割已畢獲糧萬餘石廖化獻上金盔立爲頭功魏延心中不悅口出怨言孔明只推不知却說

司馬懿逃回寨心中甚惱忽使命賚詔至言東吳三路入寇令懿等堅守勿失懿受命已畢深溝高壘堅守不出是時魏王曹叡聽知孫權動兵御駕親征乃會集百官與衆將商議進取之計太尉滿寵曰今孫權分兵三路來宜先救新城以得勝之兵順流而援襄陽則吳兵自解矣將軍曰豫曰吳人欲盡力而攻新城以致大軍耳任從他攻城挫其銳氣待彼疲乏然後以兵掩之必可破矣今若便進兵適中其計矣常侍劉邵曰不如先遣步騎數千揚聲進發抄出吳軍之後斷其歸路絕其糧道彼必震懼遁走不戰而自屈矣魏王曰不然先帝昔日東置合肥南守襄陽西據祁山賊來必破于此城之下者地有所必爭也朕與卿等分兵三路而進賊人自不暇爲計耳遂令劉邵部兵救江夏田豫部兵救襄陽朕與滿寵率大軍救合肥分撥已定先說滿寵兵到巢湖口望見東岸戰船無數旌旗整肅寵入軍中奏與魏王曰吳人必輕吾遠來未知隄備今夜可乘虛劫其水寨必獲全勝魏王曰汝言正合吾意卽令驍將張球領五千兵各帶火具從湖口攻之滿寵引兵五千從東岸攻之號令已畢是夜二更時張球與滿寵各引軍悄悄望湖口進發將近水寨魏軍吶喊殺入吳兵聽知魏兵劫寨先自慌亂不戰而走被滿寵部兵四下舉火

燒盡戰船糧草器具不計其數諸葛瑾率敗兵逃走沔口
 魏兵大勝而回次日哨軍報知陸遜說諸葛瑾戰敗遜集
 諸將議曰今魏兵不救新城分二路而來欲牽吾之勢矣
 吾作一表奏知主公亦是令其撤新城之圍以兵斷魏軍歸路
 吾率衆攻其前彼首尾不敵一鼓可破也衆服其言陸遜
 卽具表遣一小校密地賫往新城忽被魏伏路軍捉住解
 來見魏王魏王令搜其身得表一道魏王拆視之內中約
 孫權兩下夾攻之事魏王看罷歎曰東吳陸遜真妙算也
 遂將吳卒監下令劉邵謹防孫權後兵却說諸葛瑾大敗
 一陣人懷震懼又值暑天人馬多生疾病瑾卽修書一封

令人轉知陸遜遜得書拆視之云今魏兵亦且相持日久人無鬪志不如撤兵還國各保疆土遜看畢
 謂來人曰拜上將軍吾自有主意差人回報瑾問曰陸將
 軍曾整兵備敵否差人曰陸都督營內並不見動靜瑾驚
 曰今魏軍長驅而來既不作準備則當退去矣豈有自安
 之理遂親自來遜營中體探止見陸遜催督衆人于營外
 種豆菽自與諸將在轅門奕棋射戲瑾逕入營中遜慌迎
 入坐定瑾曰今魏王親來救援兵勢甚盛都督何以救之
 遜笑曰吾思之數日矣福魏軍順流而來勢吞吳楚若與
 交鋒兩下無益日前洩了機謀魏軍知備已差人約主公

三國志 卷之六
緩緩退兵吾與君見機而動瑾曰部下各懷退意若復遲延非所利也遜曰今兵將意動且當徐定以安之施設變術然後可出耳今若便退魏人謂我驚恐而走必乘勢相蹙此取敗之道也足下宜先督舟船詐爲拒敵之意吾悉以人馬向襄陽而進此疑敵之計退歸江東魏軍自不敢近璋依其議辭遜歸本營整頓舟隻預備起行遜亦整部伍張揚聲勢望襄陽進發人報知魏主說吳兵已動須用隄防魏將聽得皆要出戰魏主曰陸遜有謀莫非用誘敵之計不許輕進果是魏人素知陸遜之名不敢妄動及數日後哨卒報來東吳三路兵馬退去矣魏主未肯信令人探之回報果然退去魏主曰遜之用兵不亞孫吳東南未可平矣因勅諸將各守險要自以大軍屯合淝以伺其變却說孔明欲爲久駐之計乃令蜀兵與魏民相雜種田軍一分民二分並不侵犯如擾害者斬首示衆魏民受恩安心樂業司馬懿正在帳憂悶長子司馬師入告曰蜀兵劫去許多糧米又令蜀兵相雜屯田于渭濱以爲長久之計軍士不許擾害違者誅之似此國家大患何日除之父親何不與孔明約日大戰以決雌雄懿曰吾非不如孔明奈無計也師曰有智使智無智使力父今統百萬之衆何懼此人耶忽報魏延將金盔前來搦戰百嚴辱罵只要都督

三國志
出戰懿笑曰聖人有云小不忍則亂大謀但堅守爲上諸將依令不出魏延辱罵良久方回却說馬岱造成木柵來告孔明曰某營中已掘深塹多積乾柴以引火之物灌入其中週圍山上虛搭窩舖皆是柴草內外皆伏地雷日今月餘正值炎天此計可行也孔明附耳囑之曰可將葫蘆谷後路塞斷暗伏兵于谷中若司馬懿追到任意入谷但見人馬塞滿了道路便將地雷乾柴一齊放起火來乃是汝之功也若見蜀兵與魏兵交戰者盡舉七星號帶于谷口夜設七盞明燈于山上此乃引魏兵入路之號也吾素知汝忠義故委此大任切勿有失馬岱受計引兵而去孔

明又喚魏延密囑曰汝引五百兵去魏寨搦戰誘司馬懿交鋒不可取勝只詐敗望渭東而走懿必追之汝却望七星旗處而入夜則望七盞燈處而走便入于山谷內吾自有捉司馬懿之計也魏延引兵受計而走孔明又喚高翔分付曰汝將木牛流馬或以二十爲一羣或以五十爲一羣各裝米糧于山路往來行走如魏兵搶去便是汝之功也高翔受計驅駕木牛流馬去了孔明將祁山兵一一調去只作屯田之故你我皆不相接如別兵來戰只詐敗而勿勝若司馬懿自來方併力只攻渭南斷其歸路孔明分撥已畢自引一軍近上方谷下營且說夏侯惠夏侯和二

人入寨與司馬懿曰今蜀兵四散結營各處屯田以爲久計若不趁時除之縱彼安居日久深根固蒂難以搖動懿曰只怕是孔明之計也二人又曰若都督如此設疑生民何日太平我弟兄二人自當努力不勞都督矣懿曰且教汝二兄分頭出戰可也遂令夏侯霸夏侯威各引五千兵去訖懿坐待回音却說夏侯霸夏侯威分兵兩路正行之間忽見蜀兵驅木牛流馬而到兩下一齊吶喊殺將過來蜀兵大敗奔走搶到木牛流馬五六十疋金鼓旗鎗不計其數俱令人解報司馬懿知道次日又劫到人馬百餘亦解赴大寨來懿審其虛實魏兵告曰孔明只料我兵堅守不出盡將蜀兵四散屯田以爲久計也懿即將蜀兵盡皆放去夏侯和曰搶來蜀人不殺放之何也懿曰量此些小之兵又非大將殺之無益放歸本寨令說魏將寬厚仁慈釋彼戰心做呂蒙取荊州之計今後再有搶到蜀人當用好言慰撫仍重賞有功之人諸將聽令而去却說孔明令高翔虛作運糧屯于上方谷內既入還出人莫知之夏侯霸夏侯威每日取勝約有半月因此司馬懿見蜀兵累敗心中歡喜忽報擒到蜀兵一百餘人懿喚至帳下問曰孔明今在何處衆皆告曰每日運糧屯在上方谷內諸葛丞相不在祁山來上方谷山西十里下營安在懿備細問了

將各人賜酒食犒勞已畢盡皆放去當日天晚司馬懿喚眾將分付曰今孔明不在祁山自引一軍在上方谷安營汝等明日一齊併力攻取祁山寨吾自去接應各人受命而退長子司馬師曰父欲攻其後者何也懿曰祁山乃蜀人之根本也若見吾兵攻之各營必盡來救矣我却取上方谷燒盡糧草蜀人首尾不接必大敗走也二子服曰父之言是也懿卽令張虎樂綝分付曰汝二人各引五千兵在後救應軍中設下火把却說孔明正在山上望見魏兵或二五千一行或二千一行隊伍紛紛前後顧盼料必來取祁山大寨便令眾將防備若司馬懿自來便切魏寨奪了渭南眾將收拾已畢却說魏兵皆奔祁山寨來蜀兵聞下一齊吶喊虛作救應之勢司馬懿見了蜀兵去救祁山寨柵心中大喜乃引二子并中軍護衛人馬殺奔上方谷來且說魏延只盼司馬懿到來忽然一枝兵殺到延縱馬視之乃司馬懿也懿大喝曰魏延休走延舞刀相迎不一合延撥回馬便走懿隨後趕來延只望七星旗處而走懿見魏延一人軍馬又少放心追之懿分兵三枝司馬師在左司馬昭在右懿自居中一齊攻殺將來延看見谷口內有七星號帶飄揚乃引五百兵皆退入谷中去懿追到谷口先令人哨探回報谷內並無伏兵山上皆是草房懿曰

此必是積糧之所也。大驅士馬皆入谷中。懿忽見草房上盡是乾柴。前面魏延勒馬橫刀而立。懿大駭。乃與二子曰：倘有兵斷其谷口，如之奈何？急退兵時，只聽得喊聲大震。山上火把一齊丟將下來，燒斷谷口。懿大驚，無措。將人斂孔明明如此謀殺魏延如何肯服何不謂正其罪乃為詭在一處山上，火箭射下地雷一齊突出。草房內乾柴皆着。計乎此王道之所無也魏延望後谷中而走，只見谷口壘斷，仰天長歎曰：吾今休矣。司馬懿見火光甚急，乃下馬抱二子大哭曰：吾父子斷死于此處矣。正哭之間，忽然狂風大作，黑霧漫空，一聲霹靂響處，驟雨盆傾，滿谷之火盡皆澆滅。地雷不響，火器無功。靄靄大雨，自申時只至亥時，平地水深三尺。司馬懿大

喜曰：不就此時殺出，更待何時？即引兵奮力殺出。馬懿軍少，不敢追之。忽一彪軍到，殺退馬懿，復來接應。司馬懿聚視之，乃張虎、樂綝也。遂合兵一處，回歸渭南大寨。時已被蜀兵奪了。郭淮、孫禮正在浮橋上與蜀兵交戰。司馬懿引兵衝殺過橋來，蜀兵退去。懿燒斷浮橋，據住北岸。且說魏兵在祁山攻打蜀寨，聽知魏兵大敗，失了渭南營寨，心中大慌。急退時，四面蜀兵殺到，魏兵大敗，十傷八九。死者無數。生者奔過渭北，逃生却說孔明見魏延誘司馬懿入谷時，不勝忻喜。馬岱一齊放火，將欲盡情燒死。忽降大雨，火不能着。人報走了司馬懿。孔明歎曰：謀事在人，成事在天。

後人因孔明道此八箇字故作詩贊曰

烈火萬堆藏木柵片時司馬命難全忽然大雨霧霏下
謀事在人成在天

丞相安排烈火燒霧霏驟雨降青霄孔明妙計如成就
爭得山河屬晉朝

孔明收兵回到渭南大寨安營已畢魏延告曰馬岱將葫
蘆谷口壘斷若非天降大雨延同五百軍皆燒死谷中孔
明大怒喚馬岱深責曰文長乃吾之大將也吾當初授汝
令時只教燒司馬懿如何將文長也困于谷中幸朝廷福
大天降驟雨方纔保全倘有疎虞又失吾右臂也叱武士
推出斬首報來未知馬岱性命如何且聽下回分解

孔明秋夜祭北斗

却說衆將見孔明欲斬馬岱皆拜于帳下再三哀告孔明
方免令左右將馬岱剝去衣甲杖背四十削去平北將軍
陳倉侯官職貶爲散軍馬岱責回到舊寨孔明密令樊建
來諭曰丞相素知將軍忠義故令行此計如此如此他日
功成當爲第一可推是楊儀教如此行之以解魏延之讐
岱受計已畢甚是忻喜次日來見魏延曰非岱如此乃長
史楊儀之謀也延大恨楊儀即時來告孔明曰延願求馬
岱爲部下裨將孔明不允延再三告求孔明方從却說司

馬懿在渭北寨內傳令曰渭南寨柵今已失了諸將再言

出戰者斬之各聽將令據守不出忽有郭淮來告曰近日

孔明引兵巡哨必欲擇地安營也懿曰孔明若出武功武

今西安府武功縣依山而東吾等皆危矣真可憂也若出渭南西

止五丈原五丈原在鳳翔府郿縣西方無事也令人探之回報果止五

丈原矣司馬懿以手加額曰大魏皇帝之洪福也遂令諸

將堅守待孔明久必自變却說孔明自引一軍屯于五丈

原累令人搦戰魏兵不出孔明乃取巾幘并婦人縞素之

服修書一封盛于大盒之內遣人逕送魏寨諸將不敢隱

蔽直引入了司馬懿懿對眾拆開視之內有巾幘婦人之

衣并密書一封懿拆封視之書曰

漢丞相武鄉侯諸葛亮嘗聞管子有云禮義廉耻國之

四維四維不張國乃滅亡切惟司馬仲達既為大將統

領中原之眾不思披堅執銳以決雌雄乃甘窟守土巢

以避此亦老鼠耳何足以藥人哉刀箭與寡婦又何異哉今遣人送巾幘素衣如不

出戰可再拜而受之倘有男子之胷襟早與批回依期

赴敵

司馬懿看畢心中大怒乃佯笑曰視吾為婦人耶即受之

令人重待來使懿問曰孔明寢食及事煩簡若何使者曰

丞相夙興夜寐罰二十以上皆親覽焉所啖之食不過數

升懿密告衆人曰孔明食少事煩其能久乎使者回到五丈原見了孔明說司馬懿受了衣巾看書已畢只問寢食事物並不言軍旅之事某如此應對彼言食少事煩豈能久乎孔明歎曰彼深知我也靜軒先生讀至此有詩曰

興師伐魏報先王天命何期有短長仲達料人真妙算預知食少事煩亡

主簿楊顯曰某見丞相常自校簿書且爲治有體上下不可相侵請爲丞相以治家之事譬之凡治家之道必使奴執耕婢典爨雞司晨犬吠盜牛負重馬涉遠私業無曠所求皆足其家主從容自在高枕飲食而已忽一旦將

其役形疲神困終無一成豈其智之不如奴婢雞犬哉失

爲家主之法也千古至言是故古人稱坐而論道謂之三公作而行

之謂之士大夫昔丙吉不問橫道死人而憂牛喘陳平不知錢穀之數云自有王者也今丞相自理細事汗流終日豈不勞乎司馬懿之言誠洞見肺腑之語也孔明泣曰吾非不知但受先帝託孤之重惟恐他人不似吾盡心也衆皆垂淚孔明自覺神思不寧諸將因此未敢進兵却說魏將皆知孔明以巾幗衣服大辱司馬懿懿受之不戰衆將因此入帳告曰我等乃大國名將安忍受小邦之辱也願請出戰以決雌雄懿笑曰吾非不敢出戰而甘心受辱也

三國志
奈天子明詔令堅守勿動今若輕出有違天子之命矣眾將昂然不忿懿曰汝等既要出戰待吾奏知天子速求赴敵若天子准吾出戰那時各建功名未爲晚矣眾皆允之懿急寫表遣使直至合淝軍前奏聞魏王曹叡拆表覽之表曰

臣司馬懿謹表臣才薄任重深蒙眷委令臣堅守不戰以待其敵今者蜀臣諸葛亮輕臣如奴隸待臣如婦人遣以巾幗恥辱至甚臣先達聖聰且夕將效死一戰以報先帝之大恩陛下之重祿臣不勝激切之至矣

魏王覽訖乃與多官曰朕教且守勿出今何故上表求戰

耶衛尉辛毘曰司馬仲達知本無戰心必因諸葛孔明恥辱眾將抗拒之故也虛上表章令陛下制之魏王聽知如此遂令辛毘持節自到渭北寨內制之司馬懿接詔入帳受命已畢辛毘傳詔曰再有敢言出戰者以違制論之眾皆傾服懿暗與辛毘曰公足知我心腹就令士民布散流言說魏天子命辛毘持節到營令司馬懿堅守不出于是典軍書記樊建丞相令董厥聽知此事來告孔明孔明笑曰此乃司馬懿安三軍之法也如見姜維曰丞相何以知之孔明曰彼本無出戰之心所以固請戰者以示武于眾將耳豈不聞將在外君命有所不受安有千里而請戰乎此乃司

三國志 卷之六
馬懿受辱不過。又因將士忿拒，故散此言也。眾皆拜曰：丞相有萬里之明，見也。忽報費禕到，孔明召入問之。禕再拜言曰：魏王曹叡聞東吳三路進兵，乃自引大兵，逕到合淝。令滿寵、田豫、劉昭分兵三路迎之。被滿寵設計，盡燒東吳糧草。及戰具器物，吳兵多病。陸遜上表與吳王，約會一齊攻之。不意持表人中途被魏兵所獲，因此機會，泄漏吳兵大敗。而回，孔明聽知，長嘆一聲，昏倒於地。眾皆急救，半晌方甦。而言曰：吾心昏亂，舊病忽發，壽必不遠。是夜孔明扶病出帳，仰觀天文，大慌入帳，乃與姜維曰：吾命在旦夕矣。維泣曰：丞相何出此言也？孔明曰：吾見三台星中客星倍

明主星幽隱，相輔列曜，少變其色，足知吾命矣。維曰：昔聞能禳者，惟丞相善爲之。今何不祈禳也？孔明曰：吾習此術年久，未知天否。若何汝可引甲兵七、七、四十九人，各執皂旗，身穿皂衣，環遶帳外。吾自於帳中祈禳，北斗七日内如燈不滅，吾壽則增一紀也。如燈滅，吾必死矣。一應閑雜人等，休教放入。姜維得令，凡用之物，只令二小童搬運。時值八月半間，是夜銀河耿耿，玉露零零，旌旗不動，刁斗無聲。姜維在帳外，引四十九人守護。孔明自于帳中設香花祭物，中布七盞大燈，願布四十九盞小燈。內安本命燈一盞于地下。孔明拜伏于地，曰：亮生于亂世，隱于農迹，承先帝

三顧之恩託後王孤身之重因此盡竭犬馬之勞統領貔貅之衆六出祁山誓以討賊不意將星欲墜陽壽將終謹以靜夜昭告于皇天后土北極元辰伏望天慈俯垂鑒察祝畢乃誦青詞曰

伏以周公代姬氏之厄翌日乃瘳孔子值匡人之圍自樂不死臣亮受託之重報國之誠開荆蜀邦欲平魏寇率大兵于渭水會衆將于祁山何期舊疾纏身陽壽欲盡謹書尺素上告穹蒼伏望天慈曲垂臣算上報先帝之恩德下救生民之倒懸非敢妄祈實由懇切下情不勝屏營之至

孔明祝畢俯伏待旦次日扶病理事吐血不止醒而復昏日則計議伐魏夜則步罡踏斗却說司馬懿夜間仰觀天文忽大驚乃喚夏侯霸曰我見將星失位孔明必然有病也不久便死矣你可引一千兵去五丈原哨探若蜀人攘亂不戰者必有病若奮然突出者則無事矣霸引兵而去却說孔明在帳中乃祭祀六夜了見主燈明燦心中大喜姜維入帳正見孔明披髮仗劍踏罡布斗壓鎮將星忽聽的寨外吶喊欲令人問時魏延入報曰魏兵至矣延脚步走急將主燈撲滅此亦足以報蒯藎谷之怨矣孔明棄劍而嘆曰死生有命富貴在天主燈已滅吾豈能存乎不可得而禳也姜維大怒急拔劍

來殺魏延未知性命如何且聽下回分解

總評

孔明定非王道中人勿論其他卽謀害魏延一事豈
正人所爲如魏延有罪不妨明正其罪何與司馬父
子等視之也此時驟雨大注不惟救司馬父子實
救魏延也若夫謀事在天入箇字乃孔明
羞慙無聊之語耳豈真格言哉

誰云孔明胸中有定見哉不惟國事不識天時
身事不知天命禱星祈命豈有識者之所爲哉

第一百四回

孔明秋夜五丈原

却說姜維拔劍在手欲斬魏延孔明急止之曰是吾天命
已絕非文長之過也維方纔免之于是孔明吐血數升臥
于牀上乃與魏延曰此是司馬懿料吾有病故令人來探
虛實也汝可急出魏延上馬引兵出的寨時夏侯霸見了
魏延慌忙引兵而退魏延力追趕二十里方回孔明乃與
姜維曰吾本欲竭忠盡力恢復中原重興漢室奈天意如
此吾且夕將亡矣吾平生所學已著于書共二十四篇計
十萬四千一百一十二字內有入務七戒六恐五懼之法

吾遍觀諸將無人可授獨將軍可授之切勿泄漏維哭拜
而受孔明又曰吾有連弩之法不用得汝後必用以鐵
折疊燒打而鐵矢長八寸一弩可發十矢皆畫成圖本汝
此時何不念些阿彌陀佛却又肯此開事阿彌
可如法造之維再拜而受孔明又曰蜀中諸道皆不必多
憂惟陰平之地陰平今陝西鞏昌府文縣切要仔細雖然險峻又必有
失又喚長史楊儀入帳授與一錦囊分付曰久後魏延必
反若反時方開之那時自有斬延之將也此日孔明一一
調度已畢人事不醒至晚方甦晨夜昏絕數番孔明連夜
表奏後主後主急遣尚書僕射李福星夜逕到五丈原入
見孔明問安孔明令坐而言曰吾不幸中道而亡虛廢國

家大事得罪于天下也吾死後自有遺表上奏天子你公
卿大夫依舊制而行不可改易吾所用之人不可廢之馬
岱忠後厚當重用吾兵法皆授與姜維他日能守西蜀也
李福辭去孔明強支病體令左右扶上小車出寨遍觀各
營日覺秋風吹面徹骨生寒淚流滿面長嘆曰再不能臨
陣討賊矣悠悠蒼天曷此其極歎息良久回到帳中病轉
沉重乃喚楊儀曰王平廖化張翼張嶷吳懿等皆忠義久
經爭戰多負勤勞堪可委用吾死之後凡事皆依舊法而
行可緩緩退兵汝乃深通謀畧之人不必多囑姜伯約智
勇足備可以斷後魏延後日反時汝只依前付錦囊行之

三國志
楊儀泣拜而謝孔明令取文房四寶于臥榻上寫遺表以達後主其表曰

丞相武鄉侯諸葛亮伏聞生死有常難逃定數死之將至願盡愚忠臣賦性愚拙時遭艱難分符擁節專掌鈞衡興師北伐未獲成功何期病在膏肓命垂旦夕伏願陛下清心寡慾約已愛民達孝道于先君布仁恩于寰宇提拔幽隱以進賢良屏斥奸讒以厚風俗臣家成都有桑八百株薄田十五頃子孫衣食自有餘饒至于臣在外任無別調度隨身衣食悉仰于官不別治生以長尺寸若臣死之日不使內有餘帛外有贏財以負陛下也臣亮不勝涕泣懇切之至

孔明寫畢分付楊儀曰吾死之後不可發喪若司馬懿來追將吾先時木雕成吾之原身安于車上以青紗幪之勿令人見汝可一順一逆布成長蛇陣回旗返鼓若魏兵追來令人馬不許錯亂却將吾原身推出却令大小將士左右而列懿見之必急走矣魏兵退去方可發喪喪車上可作一龕坐于車上用米七粒少用水放于口中足下用明燈一盞置柩于輓車之內軍中安靜如常切勿舉哀則將星不墜矣吾陰魂自起鎮之先令後寨先行然後一營一營緩緩而退汝等文武皆盡心報國不可負職也楊儀聽

三國志
令曰丞相少慮儀並不敢有違丞相之遺言也是夜孔明
令人扶出仰觀北斗遙指之曰此吾之將星也衆視之只
見其色煌煌欲墜孔明以劍指之口中念呪呪畢急回帳
時不醒人事李福又到見孔明昏絕口不能言乃大哭曰
我誤國家之大事也須臾復醒開目視之見李福立于榻
前孔明曰公此來必是天子問誰可任大事蔣公琰其宜
也福又問曰公琰去後誰可繼之孔明曰費文禕可以繼
之福又問孔明不答衆將近前視之已薨時建興十二年
秋八月二十三日也壽年五十四歲後晉平侯陳壽有譜
孔明誦曰

諸葛亮之爲相國也撫百姓示儀軌約官職從權制開
誠心布公道盡忠益時者雖讐必賞犯法怠慢者雖親
必罰服罪輸情者雖重必釋游詞巧飾者雖輕必戮善
無微而不賞惡無纖而不貶庶事精練物理其本循名
責實虛僞不齒終于邦域之中咸畏而愛之刑政雖峻
而無怨者以其用心平而勸戒明也可謂識治之良才
管簫之亞匹矣

蜀人楊戲贊曰

忠臣英高獻策江濱攀吳連蜀權我世貞受遺兩衛整
武齊文敷陳德教理物移風賢愚兢心僉忘其身誕靜

邦外四裔以綏屢臨敵庭實耀其威研精大國懷于未夷

唐賢元微之作孔明廟贊云

撥亂扶危主慤懃受託孤英才過管樂妙策勝孫吳凜凜出師堂入陣圖如公全盛德應歎古今無

白樂天言先王能用孔明之詩曰

先生晦跡臥山林三顧那逢賢主尋魚到南陽方得水龍飛天外便爲霖託孤旣盡慤懃禮報國還傾忠義心前後出師遺表在令人一覽淚沾襟

宋伊川挽孔明詩曰

六出雄師度劍關運謀投策笑談間巍巍功業蓋三國凜凜威風鎮八番羽扇綸巾扶社稷忠肝義膽展江山壯懷未遂身先喪提起令人血淚斑

宋尚書姚伯善吊孔明古風詩曰

火精秒暮當桓靈妖氣蔽日豺狼橫操雖漢相實漢賊逼脅萬乘遷神京二袁劉表孫討虜坐視王室揚旗旌豫州哀愍世無主慤懃三顧茅廬行先生感激棄耒耜坐間談笑誅鯨鯨運謀東吳破赤壁長劔西指烟塵清託孤涕泣請繼死願效忠貞竭股肱祁山六出世罕比折衝不用施刀兵中興功業耀神武滅伏鼠盜潛無聲

蒼天何事絕炎漢，半夜耿耿長星傾。可憐豪俊志不遂，
哽咽忿氣空填膺。

宋陳蘭石先生歎孔明詩曰

自古英雄世莫儔，匡君功業並伊周。出師未捷摧梁木，
始覺天心已厭劉。

宋楚菊山先生贊孔明詩曰

七星壇上東風急，五丈原頭秋月明。先生不是無才調，
天意俄然欲變更。

宋參政葉士能贊孔明詩曰

退莫追兮進莫攻，來如風雨去無踪。神機妙筭誰能測，
果是人間一臥龍。

胡曾先生有詩曰

蜀相西驅十萬來，秋風原下久徘徊。長星不為英雄在，
半夜流星落九垓。

後史官朱黼論孔明曰

孔明高臥南陽，自比管樂，時人莫之許也。予切論之，孔
明王者之佐，伊尹之儔也。管樂之比，特王乎撥亂繼絕
之志。一時自寓之言耳。奚足以知孔明哉！夫孔明之于
伊尹，所遇雖異，處心則同。要才可以差殊觀也。夫躬耕
有莘而樂堯舜之道，躬耕南陽而為梁父之吟，同一隱

三國志
一夫不被則有納溝之恥漢室未復則爲一己之責同是
自任也伊尹往來湯桀之間二國不以爲間就桀而復伐之
天下不以爲叛相太甲而復放之復太甲而後相之天下不
以爲專孔明兄弟分仕三國國人不以爲二勸昭烈伐劉璋而
迄取之後世不以爲貪昭烈令輔後帝且曰苟不可輔公自取
之孔明不以爲嫌專國一十二年後帝不以爲偏果何脩而得
此哉孟子曰伊尹耕于有莘之野非其道也非其義也祿以
天下弗顧也繫馬千駟弗視也豈非其素所不屑者足以取
信于人哉方孔明蕭然草廬之中資衣食于耒耜之業抱膝長
吟不求聞達顧豈有一毫富貴之念迫之而起要爲天下
大義撥亂繼絕耳其肯以天下動其心乎其肯負其主以利
其家乎其肯爲不義以利其身乎

初蜀長水校尉廖立自謂才名宜爲諸葛亮之副嘗以職位
游散怏怏怨謗無已于是孔明廢立爲民徙之汶山及聞孔
明亡而垂泣曰吾終爲左袵矣李平聞之亦大哭病死平嘗
冀亮復收已得自補復策後人不能故也後來史臣習鑿齒
論曰

昔管仲奪伯氏駢邑三百沒齒無怨言聖人以爲難諸

葛亮之使廖立垂泣李嚴致死豈徒無怨言而已哉夫
水至平而邪者取法鑑至明而醜者亡怒水鑑之所以
能窮物而無怨者以其無私也水鑑無私猶以免謗况
大人君子懷樂生之心流矜恕之德法行于不可不用
刑加乎自犯之罪爵之而非私誅之而不怨天下有不
服者乎

後南軒張氏贊孔明曰

維忠武侯識其大者仗義履仁卓然不舍方臥南陽若
將終身三顧而起時哉屈伸難平者事不昧者幾大綱
既得萬目乃隨我奉天討不震不竦惟一其心而以時
動噫侯此心萬古不泯遺像有嚴瞻者敬起

晉永興年間鎮南將軍劉弘至隆中觀孔明故宅
立碑以表其忠命太傅掾犍爲李興撰文曰

天子命我于沔之陽聽鼓鼙而永思庶先哲之遺光登
隆山以望遠軼諸葛之故鄉蓋神物應機大器無方通
人靡滯大德不常故谷風發而騶虞嘯雲雷升而潛鱗
驟擊解褐于三聘尼得招而褰裳管豹變于受命貢感
激以回莊異徐生之摘寶釋臥龍于深藏備劉氏之傾
蓋嘉吾子之周行蒞夫有知己之主則有竭命之良固
所以三分我九鼎跨帶我邊疆抗衡我兆面馳驅我魏

疆者也英哉吾子獨含天靈豈神之祇豈人之精何思
之深何德之清異世通夢恨不同生推子入陣不在孫
吳木牛之奇則非班模神弩之功一何微妙千井霽甃
又何秘要昔在顛天有名無迹孰若吾儕良籌妙畫滅
文既沒以言見稱又未君子言行並徵夷吾及玷樂毅
不終奚比于爾明哲守冲臨終受寄讓過許由負屣蒞
車民言不流刑中于鄭教美于魯蜀氏之恥何謂安堵
匪臯則伊寧波管晏豈徒聖宣慷慨屢歎若爾之隱十
惟此宅仁智所處能無規廓日若月諸時隕其久誰能
不沒貴有遺格惟子之勲移風來世詠歌典餘懦夫將
厲選哉邈矣厥規卓矣凡若吾子難可究已疇昔之垂
萬里殊途今我來思覲爾故墟漢高歸魂于豐沛太公
五世而及周想魍魎以髣髴冀影響之有餘魂而有靈
豈有識詩

後尹直贊孔明曰

炎祚告終僅遺餘燼臥龍南陽起應三聘首陳經濟區
畫素定曰彼吳魏孰如同姓師行仁義兵列入陣流馬
木牛人力莫競七縱七擒式示權勁歷事兩朝心殫力
盡出師二表伊訓說命大星隕營天胡弗憖百世景仰
惟忠惟正

是夜天愁地慘，月色無光。孔明奄然歸天，姜維、楊儀皆依孔明舊制而行，不敢妄動絲毫，遂依法成殮，置于車上，用籠蓋之，令三百心腹人守護，即傳密令魏延斷後。楊儀次之，各處營寨一一退去。却說司馬懿夜觀天文，見一大星赤色，光芒有角，自東北方流于西南方，墜于蜀營內，三投再起，投大起，小隱隱有聲，懿大驚曰：「今諸葛孔明歿矣，即令追之，未知如何。」且聽下回分解。

死諸葛走生仲達

却說司馬懿知孔明身死，急起大兵追之，方出寨門，忽然自省，乃與二子曰：「孔明善會六丁六甲之法，今見吾人不」出戰，故以此術詐死，誘我追之。今若追彼，必中計矣。因此復回，遂令夏侯霸暗引十餘騎，望五丈原山僻哨探消息去了。却說魏延在寨夜作一夢，夢見頭上生二角，醒來甚疑，忽報行軍司馬趙直到，延請入，問曰：「久知足下深明易理，吾夜夢頭生二角，煩先生決其凶吉也。」直答曰：「此大吉之兆也。麒麟頭上有角，蒼龍頭上有角，乃變化升騰之象。將軍所到之處，不戰而獲全功也。」延大喜曰：「如應公言，自當重謝。」直辭延出寨，行不十里，正遇尚書費禕，禕問之，直告曰：「適到魏延營中，延夢頭生二角，令我圓之，本非吉兆，但恐見怪故以麒麟蒼龍之事而解也。」禕曰：「足下何以知

之直曰角之一字乃刀下用也今頭上用刀其凶甚矣禘曰君勿泄漏惟你我知之直別去禘到魏延寨中令左右退告曰昨夜三更丞相辭世去了臨亡時再三叮嚀傳示令將軍斷後以當司馬懿緩緩而退不可發喪今兵符在此便可起兵也延曰何人理丞相之大事耶禘曰丞相一切事務盡託與楊儀用兵審法口訣皆授與姜維此兵符乃楊儀之令也延曰丞相雖亡吾今見在楊儀乃府下之人焉能任此大事只可扶柩入川擇地遷葬吾自率大兵攻之必要成功豈可因丞相一人而廢國家之大事耶禘曰丞相遺令教且暫退不可泄漏將軍何故欲自戰也延

愈加大怒曰丞相當時若聽吾計取長安久矣向者楊儀不差欲燒吾于葫蘆谷內幸得天祐降下大雨因此火滅方保全生至今尚未雪恨吾官任前軍征西大將軍南鄭侯安肯與長史斷後也禘曰將軍之言是也楊儀只是一長史而已如何總制我等寧死不受辱也延曰公可助吾吾自教諸寨不動以圖進取禘曰願從將軍之令延曰公若果有此心當同僉盟狀禘欣然押寫訖延設席相待禘曰雖然如此不可輕動令敵人之耻笑也待吾自見楊儀以利害說之令彼退與兵權只扶柩入川儀乃文字之人必然從矣延聽其言禘上馬逕到大寨見楊儀細言其事儀曰

無事丞相臨亡之時分付曰魏延勇猛敵人皆懼因此不
忍害之吾教他斷後本知不服故以兵符探其心今果應
丞相之言當令伯約斷後按丞相法度而行緩緩而退于
是姜維斷後楊儀領兵扶柩先行二人掌管內外之事却
說魏延見費禰久不再來心中疑惑乃喚馬岱商議岱曰
某見費禰出的轅門外縱馬加鞭而去其人之言必是詐
也延就令馬岱引十餘騎去探消息回報曰後軍乃姜維
總督前軍大半退入谷中去了延大怒曰豎儒安敢戲吾
耶吾必殺之卽拔寨引兵盡望南行却說夏侯霸引兵到
五丈原看時不見一人遂回報司馬懿懿問虛實霸曰川
兵車仗盡已去了只有姜維斷後魏延寨中並無一人遠
遠望見投山僻小路去了其餘諸寨人馬亦盡退盡懿聽
畢跌足曰孔明死矣可速追之衆將問曰都督何以知也
懿曰五臟皆損豈能生乎急起大軍引二子起來夏侯霸
曰都督不可輕追當令偏將掩殺也懿曰他人不知兵法
遂引兵一齊殺奔五丈原來魏兵鼓譟搖旗殺入寨時果
無一人懿顧二子曰汝急催軍趕來吾自引兵前進司馬
師司馬昭在後催督懿自引兵追到山脚下見川兵不遠
乃奮力趕來忽然山後一聲砲響鼓角喧天喊聲大震懿
大驚失色只見蜀兵旗號皆返樹影中飄出中軍大旗上

書一行大字題曰大漢丞相諸葛武侯懿定睛看時見中
央數十員上將擁出一輛四輪車來車上端坐孔明綸巾
羽扇鶴氅早縱車前一將全副披掛勒馬挺鎗大叫曰及
賊司馬懿早早受降懿視之乃天水人也姓姜名維字伯
約懿大驚曰孔明尚在吾輕入重地中其計矣急勒回馬
便走魏兵魂飛魄散棄甲丟盔拋戈撇戟各逃性命互相
踐踏死者無數靜軒先生有詩咏曰

六出祁山弔伐勤要將忠義報儲君先年伏弩誅張郃
復後揚旗走魏軍非是兵機無八陣只因天意定三分
兩川帝業今何在惟有先生一古墳

司馬懿奔走五十餘里背後兩員大將趕上扯住馬嚼環
而言曰都督勿驚懿用手摸頭曰吾有頭否二將曰都督
休怕蜀兵去遠了懿喘息半晌神色方定睜目視之乃夏
侯霸夏侯惠也二將曰川兵退去必留斷後兵也可再起
兵追之懿不敢決乃徐徐按轡與霸惠二人尋小路而歸
本寨眾將各引兵四散哨探鄉民奔告曰蜀兵退入谷中
之時哀聲震地軍中揚起白旗喪旛孔明果然死矣止留
姜約斷後只有一千兵懿又曰鼓聲大震何意也鄉民曰
乃蜀兵返旗插鼓而退車上孔明乃木刻者也懿曰吾能
料其生不能料其死也因此蜀中人諺曰死諸葛能走生

仲達後人有詩曰

高壘深溝可料生，不能料死勒追兵。
返旗鳴鼓先奔走，司馬應知諸葛能。

長星半夜落天樞，奔走猶疑亮未殂。
關外至今人冷笑，不知司馬愧何如。

却說司馬懿問了，的實遂令衆將引兵在前追趕，懿隨後而來。趕到伏兵之所，見樹林中虛設孔明旗號，懿安心追之行到赤岸坡，懿見蜀兵去遠，乃與衆將曰：「今蜀兵遠去，追之何益？不如回師。」衆將曰：「倘蜀兵復來，如之奈何？」懿曰：「孔明已亡，再無人敢領此職。我等皆高枕無憂矣。」遂班師

而回。一路上見孔明安營下寨之所，前後左右，整整有法，懿歎曰：「此天下之奇才也。」衆皆駭然。後人詩曰：

長蛇盤曲轉山排，萬壘雲屯次第開。
諸葛軍營藏造化，故令司馬歎奇才。

於是司馬懿兵回長安，分調衆將各守隘口。懿自回洛陽，而君去了。却說姜維排長蛇陣，緩緩退入棧閣道口。忽有人報說：「司馬懿至赤岸回去了。」因此楊儀更衣發喪，舉哀哭聲大震。川軍皆撞跌而哭，大半不食。死者無數。後人有詩贊曰：

武侯魂已升天去，軍士號啕血淚流。
因念從前恩德重，

甘心不食喪荒丘

却說蜀兵前隊正回到棧閣道口忽見前面火光冲天喊聲震地伏兵攔路眾將驚曰誰想此處又有伏兵也焉能夫之卽來報知楊儀未知如何且聽下回分解

總評

大凡人之相與決不可先有成心如孔明之待魏延一團成心惟恐其不反處處防之着着籌之畧不念其有功于我也卽是子午谷之失實是孔明不能服魏延之心故時有怨言孔明當付之無聞可也何相卽一至此哉予至此實憐魏延反爲丞相不滿也但

嚼了飯諸公不可聞此耳



